

昭
昧
詹
言

昭昧詹言卷第四

副墨子問解

陶公

學詩當從三百篇來以屈子漢魏阮公淵明嗣之如此方見吟詠之本所謂感而有思思而積積而滿滿而作及其成章使人諷之自得於興觀羣怨之恒至於文詞句法工拙高下特其餘事耳

有德者必有言詩雖吟詠短章足當簪書可以覘其人之德性學識操持之本末古今不過數人而已阮公陶公杜韓也讀陶公詩須知其直書卽目直書胸臆逼真而皆道腴乃得

之質之六經孔孟義理詞恒皆無倍焉斯與之同流矣否則止不過詩人文士之流

讀阮公陶公杜韓詩須丰其本領兼取其文法蓋義理與文詞合焉者也謝鮑但取其勑言造句及律法之嚴謝又優於鮑若小謝小庾不過句法清新非但本領義理未渙卽文法亦無甚渙妙

讀陶公詩專取其眞事眞景眞情眞理眞不煩繩削而自合謝鮑則專事繩削而其佳處則在以繩削而造於眞

如阮公陶公曷嘗有意於爲詩內性旣充率其胸臆而發爲德音耳鍾嶸乃謂陶公出於應璩又處之以第七品何其陋

哉宜乎葉石林之闕之也

阮公陶公自爾漢人無淺語不當以詩人非之

陶公詩於聖人所言詩教皆得然無經制大篇則於雅頌之義爲缺故不及杜韓之爲備體奄有六藝之全也

觀昭明選詩及分類真乃無所知然其論陶詩卻有見如云人言陶詩篇篇有酒吾觀其意不在酒亦寄酒爲迹者也又曰其文章不羣詞采精拔跌宕昭彰獨超羣類抑揚爽朗莫之與京語事理則指而可想論懷抱則曠而具真貞志不休安道苦節自非大賢爲志與道汗隆孰能如此讀陶詩者宜繹會此言

詩品謂陶詩出於應璩此語固甚陋然其曰文體省靜殆無
長語爲意真古詞興婉慙每觀其文想其人德世歎其質直
如歡言酌春酒日暮天無雲風華清靡豈直爲田家語邪此
論陶最篤讀陶詩者宜繹會之

山谷云謝鮑諸人鑑錘之巧不遺餘力有意於工拙也淵明
直寄焉耳

湯漢臣序陶詩曰陶公不仕異代之節與子房爲韓義同旣
不爲狙擊之舉又無漢高可託以行其志故每寄情於首陽
易水之閒又以荊軻繼二疏三良而發詠所謂撫己有溪懷
履運增慨然者按此論亦形似影響殊不得真陶公本量不

在此數詩讀歸去來詞及形神等詩自見

形影神三詩用莊子之理見人生賢愚貴賤窮通壽夭莫非天定人當委運任化無爲欣戚喜懼於其中以作庸人無益之擾卽有意於醉酒立善皆非達道之自然後來佛學實地如是此誠足解拘牽役形之縈然似不如屈子九歌司命之有下落至於康樂見亦如此而一歸之於寄情山水尤爲沒主梢於聖人大中至正盡人理之學皆未有達此維閭以前人其學識到此而止由今觀之杜公悲天憫人忠君愛國而不責子之賢愚其識抱校陶公更篤實正大也記此與後之知道者詳之

前人說陶詩者甚眾然多迹論常解無關微言勝理今皆不取

始作鎮軍參軍經曲阿作 此安帝隆安四年庚子事公時年三十六歲此詩就本題本詩解之不過前言不非仕今乃暫仕眇眇略寫行塗只敘始終不願仕而終將歸此意明白人人皆喻惟以公志非之則言外事外別見高懷本量非石隱激訐亦非丰富貴利達竝非如沈約蕭統所言忠義介節的然較然不可挽也蓋仕非公所樂而不妨仕其曰時來苟冥會聊且凭化遷事時偶合適當如此優且如此隨運化而遷轉不立己以違時此孔子仕止久速無可無不可之義究

竟不害道亦未爲失己失義此境此見古今不數觀可不表
而出之乎蓋當平時無難處矣當危疑之際庸人非作巢幕
豕豕卽鷹犬爪牙一種高人見幾行趨一種仁人殉國立節
公於前二等不屑爲人知之公於後二等亦不非同則非人
所知沈約蕭統智不足以識公疆爲俾曾轉失之誣化遷
言隨時遷化素志也天運歲時息息遷化聖人亦委運任化
此與浮沈詭隨及燕雀榆枋者迹同事同而其道不同非
大賢以上莫能及公自比雲無心而出岫鳥倦飛以知還是
也此鎮軍非劉裕也公於庚子仕乙巳歸詩題明白而攷
之史文全不合未可強說按史安帝隆安四年庚子桓元都

督荆江八州軍事五年辛丑劉裕猶爲劉毅參軍八月爲下
邳太守元興二年加彭城內史三年甲辰從徐兗刺史桓修
來朝與何無忌劉毅謀起兵劉毅猶豫之曰劉下邳是年五
月誅桓元帝反正於江陵明年乙巳改義熙元年始除拜裕
都督十六州軍事出鎮京口三年丁未始爲揚州錄尚書事
五年己酉北伐南燕六年庚戌還至建康始爲太尉十二年
加都督十二州諸軍事十二月加相國揚州牧封宋公十三
年丁巳北伐滅秦取關中還十四年戊午受相國宋公九錫
命恭帝元熙二年庚申禪晉受命按之本紀大約皆同而陶
公詩庚子始作鎮軍參軍未言何人前人謂臧榮緒晉書以

爲劉裕按卒卅假歸七月赴假還江陵義興元年乙巳歲三月爲建威參軍使都經錢谿皆不言爲誰是秋爲彭澤令冬還舊居自是不出皆見自序公自序詩必不誤俱不言鎮軍建威爲何人要之確非劉裕也題曰經曲阿或之京口鎮或經過不可知明年庚子自江陵假還家復還江陵是時桓元在江陵此鎮軍亦非桓元也凡此皆不可攷又彭澤之仕南史言執事者公自云家叔所用亦不知何人古今事隔史文多缺不能一一據以爲攷要之沈蕭兩傳及南史所言事迹皆不明不必埒和穿鑿而公之面目自可見於萬世餘詳後公世系攷

游斜川

此游詩正格準平繩直無奇妙而清真自不可及

五月旦作和戴主簿

此與斜川同而氣勢較適虛舟二句

喻也

此皆是請假回作

辛丑安帝隆安五年公時三十

七歲作鎮軍參軍

赴假還江陵板行塗中作

此與前作鎮軍參軍後與弟敬

遠詩合誦公之仕味如此全量可知矣

此在五月游斜川

後直書胸臆與卽目而清腴有穆如清風之味

癸卯歲始春懷古田舍

是年公三十九歲猶爲鎮軍參軍

故曰懷也

每首中間正寫田舍數語末交代出古之兩人

而以己懷緯其事惟未得歸故作羨慕詠歎所謂懷也

在

昔二句言已屢空以下言古人之事田園者而以植杖倒點收以已懷

次首 起四句飛動第三句折轉言不能不憂故勤農而以先師高一層起乘來八句就順入田舍又以問津倒煞收四句再四詠羨之 公仕凡六年此始懷歸也

癸申十二月中作與從弟敬遠 此晉安帝年而書甲子可見沈約蕭統所云義熙以前書晉年號永和以來惟書甲子爲妄說 此詠雪詩而平生本末俱備無一毫因易代抗節意而解者多妄說 公善用虛字最雅令清則無輭弱率易之病如簞瓢等句可羨 平津苟不由此設揣之詞於枯木

寒巖無煖氣中非出疆自寬來卽屈子卜居意苟字詎字開
合相應 一直敘去而時時頓挫開合筆勢起伏無平直病
按是詩似是不仕已歸語則非癸卯或是癸丑或是乙卯
後人傳寫錯誤無人與校若是作鎮軍參軍時暫假還時作
翫詩語氣不似若此爲元嘉丁卯則是歲爲公歿之年又不
當曰平津苟不由矣

歸田園五首 公以義熙元年乙巳冬自彭澤歸自是終身
不再出時年四十一歲其仕以三十六首尾共止六年耳所
云三十年指已去之年舉其大數對今四十言之若曰前此
三十尙未能立今而四十乃得決計耳意蓋如此勿以詞害

可也蓋三十九以前仍繫以三十耳姑解之如此以俟通賢
此詩縱橫浩蕩汪洋濫滿而元氣磅礴大舍細入精氣入
而麤穢除奄有漢魏包孕眾勝後來惟杜公有之韓公校之
猶覺圭角鑱露其餘不足論矣 少無適俗八句當一篇大
序文而氣勢浩邁跌宕飛動頓挫沈鬱羈鳥二句於大氣馳
縱之中回鞭彈鞚顧盼回旋所謂頓挫也 方宅十句不過
寫田園耳而筆勢騫舉情景卽目得一幅畫意而音節鏗鏘
措詞秀韻均非塵世喫煙火食人語久在二句接起處換筆
另收 公以義熙冬歸此言桑麻長種豆濯足皆非冬景詩
不必定爲是年作也

野外罕人事

此既安居以後事

起六句由靜而之動相

見二句爲一篇正面實面桑麻日以長以下乃申續餘意耳
只就桑麻言恐其零落方見真意實在田園非喻已也

種豆南山下

此又就第二首繼續而詳言之而真景真味

真意如化工元氣自然縣象箸明末二句另換意古人之妙
只是能斷能續能逆能倒我能回曲頓挫從無平鋪直衍

久去山澤游

此又追敘今昔是題中歸字汁漿

前半敘

事一世四句論歎作收此章法同一篇文字也鮑代東武吟
結客少年場皆同此境但鮑說他人仍客氣假象無真意動
人惟杜公草堂四松等乃與陶繼其聲耳韓城南聯句中有

一段亦同此境序分三段

悵悵獨策還 此首言還不特章法完整直是一幅畫圖一篇記序余嘗言詩采采芣苢只換數字而備成一幅畫圖言外又見聖世風俗太平歡樂之象真非晚周以下文字所能及而愚士妄人猶以譚語譏之可謂不識好惡仰面唾天矣此五詩衣被後來各大家無不受其孕育者當與三百篇同爲經豈徒詩人云爾哉悵悵二字承上昔人死無餘意來首四句還路未至漉酒四句旣還後以至明燭至旭古人言之有序只是立誠耳此等文理皆與六經同

移居二首 只是一往清真而吐屬雅令句法高秀戊申六

月遇火移居必在是耳

庚戌歲九月中於西田穫早稻 公乙巳年歸至是六年矣

起四句一氣舒放見筆氣文勢後惟杜公每如此具崢嶸
飛動之勢鮑謝則不敢如此必凝之固之不使一步滑易學
者若不先從鮑謝入手而便學此未有不失之滑淺庸近如
今凡俗所爲者也此一大公案宗惇前人未有明言之者
人生歸有道言人之生理固有常道開春以下照常敘說只
爭句法秀出耳 以鮑觀圃人藝植詩相比可見學陶公必
如彼工苦乃爲善學如顏公書法之變右軍出全力以敵龍
虎急與之角而力不敢暇僅能成得自己一面日畱於天壤

耳若執筆便擬陶公是黃口孺子輕學者成宿德舉止風軌
經似之亦可鄙笑不惟優孟衣冠抑且滑熟無力觀鮑公如
輓千鈞以全神全力將之僅乃自立耳坡公和陶真是倚其
才大學之易似耳而皆非其佳世亦無誦習之者夫以坡公
且如此況末士之無知者哉鮑詩起處六句畢竟鈍且客氣
通身以元氣丰之去陶終遠此中得失學者微參之

與殷晉安別 序則真序情則真情 此人公不重之以爲
道義交所謂故者無失其爲故也 一語不假借亦無諷譏
輕慢青天白日分寸不濫公所以爲修詞立誠爲有道之言
也 情詞芊緜真摯後惟韓杜二公有之蓋復頂一遇來言

之有序如此 語默二句分寸

贈羊長史 此劉裕將篡之機正公所憂懼然於時事則不可明言又於此人之前尤不可明露若侈頌功德固不可徒作送行詩又無謂然則此題直難著筆公卻於空中託意非常開首提出念黃虞言黃虞沒而已安適歸後又幻出商山四皓與已作照言四皓清謠久結我之心曲但運乖不得一見其人結句言今我遭亂變而不能如四皓之爲功以安漢故意不舒也與起句相應雙結 此丁巳年公五十二歲作關洛平後二年裕卽篡此題難於劉太尉贈盧諶彼可以明目張瞻正說故雄傑宏放此不能明說故伊鬱隱迷其文法

之妙與太史公六國表同工覺顏北使洛如嚼蠟如牛負物
行淤泥費力而索然無復生氣陶詩當以此爲冠卷 柳子
厚論楊雄文遣言措意頗短局滯澁不若退之猖狂恣睢肆
意有所作余謂顏比陶亦然 中都不必歎數典此卽指關
中耳此上承黃虞下伏四皓艸蛇灰綫過脈若云君當往事
佐命吾當爲四皓以避亂耳卻借如此指出毫不見正意痕
迹其妙如此前後惟阮公杜公有之韓公亦能之坡則罕見
此矣何況餘人 路若經商山以筆勢論亦是蹴起陡勢神
來氣來之筆紫芝誰復采正言我將繼之也黃患卽買禍也
桃花源 此詩敘一大事本末曲折具備而章法布置抵一

篇文字句法老潔抵史筆議論精卓抵論贊起四句作一總敘而筆勢龍罩原委昭明崢嶸壯浪往迹以下夾敘夾寫奇蹤以下又總結借問四句收入自己何等神完氣足以視小謝孫權故城彼爲板實無法而沒奈何矣 古人文之高妙無不艱苦者但阮公陶公艱在用意用筆謝鮑艱在造語下字初學人不先從鮑謝用功而僂學阮陶未有不凡近淺率終身無所知以此非之數千年不得數人紛紛俗士不足譏矣

形贈影 形主必死言而但勸飲酒以爲解此尙沒把鼻初意也 以天地艸木陪說筆勢恣橫我形自謂君指影也奚

覺無一人言死去不足爲有無也

影答形 立名始有把鼻乃正理也 起言旣不能存又無
係之之術又昧成仙之道必然死耳中言我憫爾空死不得
不效忠告惟有立善畱名不朽耳中間正還影字題面古人
無不如是所謂入木三分

神釋 神運形影者也前八句神三皇以下釋此用莊子之
理賢者過之反以委運任化爲極三皇六句釋死日醉四句
分釋飲酒立名甚念以下正意也 以任化爲正終是沒把
鼻仍自以立善爲正但不必非人譽耳 立善誰譽今及之
而後知非口頭語乃傷心語孔子亦歎知我其天卽此意也

然只有如此竝無別路 陶公所以不得與於傳道之統者
墮莊老也其失在縱浪大化有放肆意非聖人獨立不懼君
子不憂不惑不懼之道聖人是盡性至命此是放肆也 不
憂不懼是今日居身循道大主腦莊周陶公處以委運任化
殊無下梢聖人則踐之以內省不疚是何等腳踏實地

飲酒二十首 據序亦是雜詩直書胸臆直書卽事借飲酒
爲題耳非詠飲酒也阮公詠懷杜公秦川雜詩退之秋懷皆
同此例卽所謂遣興也 人有興物生感而言以遣之是必
有名理名言奇情奇懷奇句而後同於簪書不拘一事不拘
一物一時一地一人悲愉辛苦雜然而陳而各有性情各有

本色各有天懷學識才力要必各自有其千古而後爲至者也

衰榮無定在 言不必揆情無常無定之衰榮惟知其古今皆若此故但飲酒可也以衰爲主以榮陪說其理乃顯起筆勢崢嶸飛動後四句明明正說 昔人云讀杜詩當作一部小經書讀余謂陶詩亦然但何必云小也

積善云有報 言不必計善惡之報爽但以固窮守道爲正非仁得仁同一窮死不如畱名沒世 一起四語偏反飛動收二句語勢尤勁折無一平直淺滯順滑之筆 上言其爽而空言詰之作波瀾以起下百世之傳折出一榮公文法變

化如此以福報則爽以名報則應文法變化

道喪向千載 言由於不悟大道故惜情顧名而不肯任真

不敢縱飲不知卽時行樂此卽身後名不如生前一杯酒與
上篇似相背然惟其能固窮是以能忘憂而飲酒固是一串
意非相背也不可以文害義也 此卽神釋之意注說及何
義門解皆失之滯書生之見取於歸一詩人之愜惟意所之
左右逢源皆道腴也 鼎鼎言方來之年甚速如流電吾人
僅此百年之內何足恃乎注非

棲棲失羣鳥 此首分兩半看前六句未歸後言卽得歸卽

今是昨非之意勁風句言天下皆亂無樂土卽采薇歌意收

句要之以固守永不更違幾於右軍誓墓所謂致虛極守靜
篤後來如某某不保晚節復出失身不能如陶公之剛決也
結廬在人境 此但書卽目卽事而高致高懷可見起四句
言地非偏僻而吾心旣遠則地隨之境旣閒寂景物復佳然
非心遠則不能領其真意味旣領於心而豈待言所謂造適
不及笑獻笑不及言有曾點之意後六句卽心遠地偏之實
事

行行千萬端 本齊物論 言心不遠者但見是非紛紜而
不能已於言此承上文忘言而足之如此

秋菊有佳色 就菊言所謂卽物卽事

青松在東園 不過歲寒後彫之恨而說來如新聞

清晨聞叩門 又幻出人來校之就物言更易託懷抱矣此詩夾敘夾議託爲問答屈子漁父之恨注謂時必有人勸公出仕者是也收句完好

在昔曾遠游 言恐失固窮之名直書胸臆無一字客氣顏生僞爲仁 起六句將枯槁與名並說足以下解之雙承名亦不知枯槁亦不知但貴僞心耳苟能僞心卽裸葬猶可又何生前枯槁足恨

長公會一仕 此與前皆借古人而緯以己意首敘二人一伸一縮一往以下言已久相欺言僞爲無宦情之言而戀官

不肖去位也

有客常同止 此忽然慨世庸愚之人可憐而不悟而吐屬
溫雅蘊藉氣象淵懿此卽陳遵同張竦之惓子雲酒箴之文
故人賞我趣 此首正說飲酒 父老四句說醉後之趣情
景意識真汁漿全涌留止也卽指酒

貧居乏人工 此前四句祇作卽事興體與下不相貫以後
卻從空曠中得晤本趣言若不委窮達則多憂懼是援其素
抱爲無益鄙懷豈不可惜然後知其以一窮字綰起四句灌
木荒宅以下是貧居境象宇宙句放筆向空中接

少年卑人事 感歎己情事與境如此惟宜飲酒以遣之惜

不得陳遵之人其陶此情翳蔽也言不能豁也韓公秋懷時
偷此境

幽蘭生前庭 此必爲時事而發然自古及今聖賢所以立
身涉世之全量不過如此

子雲性嗜酒 言止可飲酒不可及世事當淡心接物可知
雖與王顏相往還而不入之不可得而雜也此見公沈毅剛
勇不忤俗不隨俗非一味爲高致彼飾僞沽名以爲利者固
無論卽石隱者流亦豈足與於斯 引子雲借古人以爲比
言不失顯默在當用心而諸爲爪牙鷹犬希佐命以蹙國者
其不仁可知也卻以己不忍相和爲仁言外分明而歸於飲

酒以載醪問奇引入何等親切

疇昔苦長飢 言已幾誤託足於仕路之歧途而幸得返末
二句以仕歸飲酒用疏廣典親切輓合題目自然恰好按公
以三十五六出仕四十一歲歸田至此五十二三矣

義農去我久 此首收束二十篇而未二句又收足題面章
法完整蒙上言仕歸飲酒不得已也昔孔子不用而歸則刪
定六經已今亦欲如是但述而不作好而親之以繼微響而
已此與楊雲仲淹之僭作者已不同矣 不言己之好但言
人之不好亦避直取曲以虛形實也 少真謂皆從於苟安
也舉世習非不得一真欲彌縫之道在六經崇尙乎此庶可

以反性情美風教成治化箸誠去僞返樸還純無如世境無
一人問津此其可痛可恨而已之所懷則願學孔子從事如
此亦欲彌縫斯世而有志不獲惟有飲酒遣此悲憤也以用
意論極其恍惚以文法論極其恣肆奇妙不測 經所以載
道也達道則無苟妄而無不任真矣故歸宿孔子及諸儒言
已非徒獨自任真亦欲彌縫斯世此陶公絕大本量處非他
詩人所能及故此篇義理可以冠集羊長史篇文法可以冠
集 陸桴亭云翫其詞意上敘孔子下述六經皆言願學之
意但終以飲酒之語亂之使人不覺耳又言所行不無過差
不能盡於六經由於好飲之故亦躬行未之有得意樹謂明

以來諸儒皆以講學爲門戶其實無甚學問皆鮮實得若使
用之必不能彌縫使純而和居之不疑不如陶公之任真矣
此二十首篇篇具奇恒曠趣名理名言非常恣肆皆道腴
也

讀山海經 祇言讀書情景略一點題耳

詠貧士 中多名理名言

萬族各有託 孤雲比眾鳥與量力以下入已賦也 此所
謂知音者亦謂黃農虞夏耳已矣卽安適歸矣之信何時見
餘暉與未已矣相呼應

漫罵歲云暮 前八句說貧傾壺二句樸真後來孟郊虞集

俱從此脫換出然如虛豆兼冰崇等語益奇而氣象終失之
雕鏤不渾成閑居四句方帖己之處貧跌宕往復闊大精融
顧古多此賢句貫下三首古人章法之奇如此

幾更老帶索 重華二句闊大橫絕含蓋古今非小儒胸臆
頗有微標二句又遙接帶索納履豈忘四句跌宕轉折總結
二古人 此與下二首皆先引古人後以己讚之斷之論之
諄諄之發明之爲章法

安貧守賤者 六句古人豈不以下入己之論讚

仲蔚處窮居 前六句古人此士以下入己之論讚人事二

句公自言願從仲蔚也翳然言自蔽匿不與世同罕所同言

世人罕能知之

九日閑居 起四句解九日題義典而新警露淒四句寫景
以下借酒菊引入情收四句敷衍閑居

於王撫軍座送客 此僅於詞足盡意而繇邈清綺一往真
味景與情俱帶畫意起四句敘題寒氣四句地瞻夕四句時
收四句情

歲暮和張常侍 大致因歲暮而感流年之速己之將老死
也而精淡沈至不淺滑平顯一起一結尤淡起言人代易速
觀於市朝而見舊人之多亾其速如駉驥之趨於悲泉以下
句形上句爲歲暮起端也今又當暮則己又將速亾素顏闕

哉虛實反正開合言之向夕四句正寫歲暮民生遙接而以
闕酒爲題之正實其味彌淡又就無酒轉下言窮通憔悴死
皆不惜但別有慨耳撫己雙收言本自有淡懷而觸歲暮又
增慨耳試思其言意下落用意精淡章法文法曲折頓挫變
化不可執著徒以白道爲學陶者豈足知之

有會而作 正言菽粟不足卻以甘肥爲襯則意淡而曲有
味矣常善四句與謝公平生疑若人四句同本言已慕此人
卻反言以非之則局勢曲而變化矣斯濫二句解上文言彼
甯死不冒濫則余今日亦止有固窮甘餒而死正以帥昔人
也讀此乃見公用筆之變用意之淡曲文法妙不測後人學

陶意腐語直勢平筆鈍安能夢見

連雨獨飲 不過言人生必死世無仙人不如飲酒而用意
用筆俱回曲淡峻天者自然而已任真則亦同於天曰忘曰
無所先皆筆之曲也天豈去此言天非遠卽吾心是但任真
卽天矣雲鶴仙也雖可羨而吾不願願獨抱任真自然之心
久與天忘乃衍上文意不必非仙也起四句本是古人陳言
看他折洗翻用入妙

和劉柴桑 此以劉能歸爲惜一起八句著筆用意全在此
荒塗二句以他人不歸者相比茅茨以下言初歸修治田宅
直至歲月其疏方說足棲棲二句頓挫以寬文勢若無此則

氣促耕織四句又於題後題外繞回詠言往復三折弱女句或劉本無男乃見真妙而沈德潛以爲喻酒之薄無論陶公無此險薄輕儇筆意而於詩亦氣脈情景俱澆漓矣起四句注言劉招公入社而公不往甚淺而陋此皆謂劉初仕而今還也親故二句是貫下還字用意通身指劉猶庾樂池上樓上言思歸下言始甯之親故耳

酬劉柴桑 一起四句跌宕前言劉此言已余今旅處亦罕人事方知忘運之語真也

和郭主簿 此二首與酬劉柴桑皆閒居詩正格一味本色真味直書胸臆 前首夏景次首秋景爾卽指幽人也解者

謂指松菊則於下文勢不通矣因松菊以興起幽人耳前首望雲懷古次銜觴念幽人也檢素不獲展言不通訊問也康樂擬之曰頤阿竟何端

擬輓歌詞有生必有死一起凝結言死一耳但早終非有促短之殊曠恒妙義空古今魂氣八句敘足結句收轉倒具奇趣

荒艸何茫茫且敘且寫有畫意幽室八句入議論真情真理另收緩結此詩氣格筆勢橫恣游行自在與三百篇同曠而又全具興觀羣怨杜公且遜之

諸人共游周家墓此雖一小詩而可以摹習成一體格

雜詩十二首阮亭止選白日淪西河一篇此篇亦無奇但白描情景空明澹澈氣韻清高非庸俗摹習所及

擬古榮榮窗下蘭 此亦仍是屈子及十九首阮公等意前四句始合出門六句終乖多謝四句詠言反覆作收

辭家夙嚴駕 此只詠田子春耳起四句故爲曲折收句結出託意

日暮天無雲 清韻情景交融盛唐人所自出

種桑長江邊 此尙氣之作在公集中似成別調

責子 此詩無可學亦無可說

乞食 此與責子等篇皆無可學而此首音詞有足動人淡

感者

詠荆軻 次敘高簡託意深微而章法明整起四句言丹君
子六句言軻飲餞八句敘事心知二句頓挫以離爲章法登
車六句續接敘事惜哉四句入已託意作收

昭昧詹言卷第五

副墨子閤解

大謝

謝公蔚然成一祖衣被萬世獨有千古後世不能祧不敢抗
雖李杜甚重之俾爲謝公豈假借之哉且諸謝翼翼如叔原
宣遠體格俱相似而康樂獨俾宗卽惠連固且遜之政可於
此淡惟其故

唐初詩人及盛唐人於唐以前諸名家皆嘗淡知而慕效之
其上者能變次者猶或得其一節惟大謝無嗣音皎然之論
亦只空識其句法興象而已不能淡究其作用措注之精微

也攷謝公卒於宋元嘉十年癸酉到今一千四百餘年中間
除杜韓二公外竟未見一人有能知之者明代李空同號爲
學大謝觀其氣骨輕浮皮傅麤粗卽剽其句法尙屬影響無
論神明意蘊矣弇州倦圃徒事推崇漫爲膚論於是謝公竟
成絕響非特此也吾觀醴陵所擬竄句籍詞全屬皮傅影響
可笑也

讀謝公能識其經營慘澹迷悶淡苦而又元氣結撰斯得之
矣醴陵空同丰之皮外豈得爲能知大謝者哉

大約謝公清曠有似陶公而氣之騫舉詞之奔會造化天全
皆不逮固由其根底源頭本領不逮矣而出之以雕鐫堅凝

老重實能別開一宗

南史本傳云縱橫俊發過顏延之而淡密不如此非知言謝公政自淡密耳

謝公思淡氣沈無一字率意漫下學者當先丰觀於此校之退之山谷尤嚴此實一大宗門也

古人不經意字句似出己意優文白道而實有典此亦大法門惟鮑謝兩家尤淡嚴於此後人淺陋無復知此但率語耳如謝公乃是學者之詩可謂精淡華妙但學人不得其精淡而浮貪其華妙則亦終歸於詞恒膚僞氣骨輕浮如李空同輩而已

曹洞禪不犯正位切忌死語康樂貌似犯此似沈滯平鈍氣勢不起其實竟體空靈邁往曲折頓挫非靜對久之不能淡解其妙

謝公氣韻沈酣精嚴法律力透紙背似顏魯公書

謝公全用小雅離騷意境字句而氣格緊健沈鬱

謝公不過言山水煙霞邱壑之美已志在此賞心無與同耳千篇一律惟其思淡氣沈風格凝重造語工妙興象宛然人自不能及

陶公說不要富貴是真不要康樂本以憤惋而詩中故作恬淡以比陶公則揆其淡淺遠近居然有湖江澗沚之別

古人處變革之際其立言皆可覩其志性如孔北海阮公固
激發忠憤情見乎詞陶公淡而忘之猶有荆軻等作康樂仕
不得志卻自以脫屣富貴模山範水流連光景言之不一而
足如是而已其志無先朝思也韓亡秦帝之詩作於有罪之
後但枝拄門面耳何謂忠義動君子也當日廬陵王論曰靈
運空疏延之隘薄鮮能以名節自立可謂知言矣

古人作詩各有其本領心志所結動輒及之不自覺所謂雅
言也如阮公之痛心府朝憂生慮患杜公之繫心君國哀時
憫人韓公修業明道語關世教言言有物太白胸中蓄理至
多逐事而發無不有興觀羣怨之愜是皆於三百篇騷人未

遠也謝公功力學問天分皆可謂登峯造極雖道思本領未淡不如陶而其痼疾煙霞亦實自胸中流出不似後人客氣假象自己道不得卻向他人借口也

謝公每一篇經營章法措注虛實高下淺淡其文法至淡頗不易識其造句天然渾成興象不可思議執著均非他家所及此所以能成一大宗碩師百世不祧也今學謝詩且當乎觀此等處然余之閱之也恆昔昭而今昧故今一一記之

陶公不煩繩削謝則全由繩削一天事一人功也

史言靈運居永嘉西堂思詩竟日不就又與顏延之受詔擬樂府久之乃就可見其得之苦艱不易也今之詩人搖筆轉

吻頃刻滿篇不知有所謂難何由能及古人

謝詩力厚思淡語足氣完字典句渾法密機圓氣韻沈酣
非通其詞非通其意者也固學詩學文之要悞而於謝詩尤
宜依此二語用功

謝詩用事如樵隱俱在山妙善冀能同亂流趨正絕來人忘
新術執戟一以疲和樂隆所缺似此凡數十百處暫見似白
道而實皆用典此是一大法門古人無不然當先非觀此等
乃不敢率易下語有同儕父牽率驅使故事寡情不歸

謝詩看似有滯晦不能快亮緊健非也乃正其用意淡曲沈
厚不佻不可及處須細意抽繹翫索乃知杜子美作用多出

此等凡謝詩前面正面後面按部就班無一亂者所以爲老
成深重每層中有中鋒煞料語姑卽登池上樓一首半之亦
可見又如九日送孔令過廬陵王墓敘述有序步驟安閒中
鋒煞料一往精淡如吮而出

謝公造句極巧而出之不覺但見其渾成巧之至也以人巧
造天工

杜公山水造句多自謝鮑出

謝詩以綠水芙蓉天然去雕飾爲佳又有一種常滯語如初
出郡擬古等不必不佳然無得學之恐成習氣皮毛搔癢不
著似是而非爲無當耳學者取謝鮑奇警句法而仍須自加

以神明作用乃妙淡觀杜韓則謝之爲謝杜韓之爲善學而妙皆自見矣蓋杜韓能兼鮑謝謝不能有杜韓也

杜公能兼大謝而實駕出其上空同自以能學杜而不能夢見大謝以此推之則學者有本無本真僞之別居然見矣太白亦能兼大謝而宏放實勝之

謝之比於杜韓則謝似班固杜韓似史遷顏比於謝則虎賁之似中郎神期不同矣

觀康樂詩純是功力如輓彊弩規矩步武寸步不失如養木雞伏伺不輕動一步自命意願題布局選字下語如香象渡河直沈水底又如繫碁如都盧尋樁如痾瘦承蜩一口氣不

敢出恐讎也又如造凌風臺稱停材木分毫不得偏畸及其成功如偃師之爲像人人巧奪天工力足以赴巧智足以彌失皆同一溪造自得又怪康樂作詩用意靜細縝密如此其所潤涅槃經亦莊列精言而其行身披猖悖誕如彼而卒以殺身可歎也乃知其言而不能行全無克己內反之功得道不行咎殃立致謝之謂矣

謝公起處有凝對者亦似鮑有極緊健亦有平敘不甚警者亦有崢嶸飛動之勢者但力自厚而不流與杜公筆力雄快馳驟者不同須分別之如能合陶杜漢魏而兼其勝乃可俯視謝鮑而豈易得此人乎

杜牧之偁元白向無佛處偁尊此最中俗人輕妄之病若見得古人淡苦如此則豈敢妄自侈大故今且以鮑謝韓黃爲之祈禱可以已輕率滑便之病

謝詩起結順逆離合插補慘淡經營用法用意極淡然究不及漢魏阮公杜韓者以邊幅拘隘無長江大河渾灝流轉舉嶽滄海之觀能變易人之神志此存乎義理本原及文法高妙非關篇什長短也試觀阮公可見然今切不可以此僂生輕忽謝鮑之見蓋其至處非餘人可及也

太鍊則傷氣謝鮑兩家若不善學則恐不免峭促不舒之病不如三百篇漢魏阮公以及杜韓混茫浩然一氣也

謝鮑元氣渾淪流注於篇內但不怒張馳驟呈露於外耳非無氣也乃故凝之固之抑遏之如篋劍光柙虎兇

謝詩用意沈厚酣恣可以窺其天懷學力讀之久令人不能釋

杜公詩有學大謝體者如次晚洲空靈岸花石戍等可見又按謝有插槿當列墉句杜公蓋用此字而董采評直亂道其於杜公竝文義未能通而徒拾學究頭巾唾餘旨論瞽談全無發明彊作解事以誑惑無知之後生耳近日紀氏評蘇亦然

姚鼐陽先生曰康樂詩頗多六代彊造之句其音響作罷亦

杜韓所自出

又曰惠休所云初日芙渠皎然所云風流自賞正未易識取而何義門以還舊園作見顏范二中書篇當之似非謝公所允耳愚謂何固不深解詩者此篇阮亭未入選甚有見但二釋所云初日芙渠卽是風流自賞蓋言其葩豔天然不俟雕飾必欲釋之亦不難如潛虬媚幽姿猿鳴誠知曙昏旦變氣候首夏猶清和池塘生春艸明月照積雪等句亦未嘗不可想見但此乃拈一句一語言之恐二釋所品皆止言其華妙而未及其精淡今茲苦索之而謝詩之精淡始顯要之精淡猶可以學力至華妙則其才之得於天分者不可及也華妙

而不精淡固爲浮豔精淡而乏華妙則有同嚼蠟雖巧如優師亦止象人而已如顏延之是已

謝鮑杜韓造語皆極奇險淡曲卻皆出以穩老不傷巧小才效之卽不穩或傷巧而輕或晦不解

康樂無一字不穩老無一字不典重無一字不沈厚淡密如成德之士丰幾微之過而不得實勝明遠但其本領不過莊佛無多變境不逮杜韓如長江大河含茹古今擺動宇宙也康樂擬鄴詩及擬古諸作不必不佳然實無謂阮亭不取頗見鑒裁之善

讀莊子熟則知康樂所發全是莊理

翫謝鮑元暉所讀書亦不甚多但能精熟浹洽故用來穩切
異於後人之擗摺餽釘也看來康樂全得力一部莊理其於
此書用功甚深兼熟郭注古人有一部得力書一生用之不
窮尺捶也觀康樂之所言卽其所潤漉般經也故當非餘人
所及

讀古人詩其用意須會之於意言之表方可云善繼其志
述祖德達人貴自我輕置濟物重在達人命意高人一等
故是文章占地步身分處亦是文法虛實輕重賓主易位法
以視平鋪實敘冗絮而不可了者靈蠢全別矣段生四句厯
引古人以證之臨組四句申明歎美以頓束之茗茗四句遞

入本題委講四句申敘正言之委講改服不得已而出濟物也委講綴道論如五臣注委棄講藝語殊未明荀子成相春申道輟輟作綴此或亦作輟義與委講改服同一義與太白君平綴論者不同姑存疑以俟知者一起四句得力以下如水之浮物隨勢曲注皆極其自然而止

中原昔喪亂 前首虛舍此首始實敘起六句敘時事語壯闊該簡有氣偶題爲第一段萬邦六句承遞入題次第精實全篇中權正位爲第二段賢相以下收轉達人高情以結述德之愜見歸宿要之此亦虛美謝元雖云勳參微管然非有道德之人受封公爵何嘗辭賞足比於段展四子哉秦趙云

云不歸美君相而攘以私其先祖亦非立言之體統觀康樂詩以此爲最矜浮雖不若魯頌之掠虛而固殊衛銘之勿伐然以詩論則經營布置俾停稠密可謂極工筆亦簡老視宣遠子房詩潘岳關中詩皆凡製矣

九日從宋公戲馬臺集送孔令起四句從九日起良辰四句敘宋公集送餞燕四句將宋公之餞送說足然後入孔入已送歸客六句敘孔豈伊以下始入己之送周易有孚於飲酒言時將可以有爲而自信自養以俟命此朱子義也而康樂云云似亦此意至在宥二語歸美君上能容他歸得遂自己讀羊里切首以止也之性闊大精實義理周足他人所不能到當

日共推宣遠作昭明亦竝登於選然彼於起處敘九日太多章法偏厭後半敘本事詞意未滿大不及庾樂古今濫吹誰差比而真知之也 庾樂之詩祇是言有序按部就班一毫不漏一字不蔓不迂絮平弱而造語精好如精金在鎔無一點礦氣煙氣躍冶之意於此篇亦可見 珥棹二句次第不苟河流二句水程陸程均到此皆他人所易竊忽而獨從容細意不可及處後惟杜韓同此律細也

廬陵王墓下作 起八句次第敘題直至作詩爲弟一段神期四句正申悲涼頓住延州四句借賓陪託以避平衍實說平生四句忽掉轉馳驟剽智如神龍天矯忽起忽落用筆行

文至妙處神情俱動脛促四句遙接松柏句下舉聲二句遙接淒淚沈痛悲涼意連岡用典不苟如此淺學安知敘述一大事言簡事明本末無不該悉而仍從容文法範我馳驅他人指陳冗絮轉不得要領心忙語亂不暇論文法然後知作者擅場杜韓所以傾心豈苟然哉廬陵歿時年十八謝晦論廬陵德輕於才而已之德乃更輕班固所謂目睫也鄰里相送至方山起六句次第敘題事實情景三者交代分明含情六句入作惓惓開合往復順逆而以永此頓束十分說足各勉二句另換氣換筆作收周旋鄰里題面古人不略題字不出題外其謹嚴如此此少帝初立出靈運爲永嘉時

方山在江甯

過始甯墅 起八句言已入仕塗之迹剖竹六句入題過墅之由兼述塗中之景白雲四句正寫墅揮手以下約誓還山完題緒古人言有序如此凡四層 此與陶歸田園比之則陶爲元氣揮斥此微有斧鑿痕而真摯沈厚耐人吟詠

晚出西射堂 首句點題次句以一望字貫下四句景節往二句一頓故爲離合章法以避一氣直下之平順其法與石門新營所住同羈雌四句本與嶂翠楓嵐爲望中一類物忽另拈出託以白興則實者皆空蠶者亦靈以章法言又極變化是爲奇妙不測撫鏡二句遙接感念逆接離賞安排二句

改爲一折蓋從來不冝使一直筆行一步滑若劉公幹體末
流猶恐有滑順之病 此與過白岸亭皆不過尋常題之景
物情事一入曲息便幻出如許奇觀靈境可悟文心文境之
聖凡祇存乎其人之淺深讀康樂詩宜於此等究之乃見與
傷巧入輕纖者不同

齋中讀書 起四句不過逼入題而開合闊遠崢嶸飛動虛
館六句交代正面而措句勁急下字選切皆無一率漫沮溺
四句題後繞補詞意筆勢寬博文法銜承謹密使事精覈收
句結束全篇所謂達生取知足知止義杜公取適事莫並又
古來達士志幽貞媿雙全同此用義

登池上樓 起二句橫空突寫兼與比三四卽借引入已五六又申所以魏作凡六句三層承遞爲第一段徇祥六句入題凡三層交代正位實面傾耳二句承上褰開窺臨頓足又起下也爲第二段初景四句正寫登樓窺眺之景爲第三段祁祁四句言思歸乃登樓之情凡兩層申敘爲第四段持操二句總收通篇魏作思歸之意持操卽持無悶之操也徵今卽徵古持之操也 康樂詩章法脈縷銜遞整比完密如此此正格中鋒也視同時諸他名家皆不免鹵莽疏略精力不能到此此寫病起登樓滿懷鬱抑褰開以下乃寫久病初起風景一變如畫 祁祁二語皆取歸字爲義少帝出靈運非

美除故感而思歸索居二句遠承前過始甯墅鄉曲之人言之故讀詩者不知世編詩者不攷其語句皆若曼羨無謂何能得其意知其味之恒也阮亭蓋猶未知此 初景之革卽革故陰也新陽之改卽改緒風也二句互文 自衾枕以下寫正位十分滿足池塘句公自謂有神助非人力竊謂學者必真能知此句之妙不易得乃有語分進德二句承上言所以媿作起下所以徇祿然康樂之所謂進德亦祇作隱居潛退意卽景純進保龍見非謂進不能輔世長民也宋以後如陸放翁等學杜喜爲門面客氣矜張以自占身分無其實而自張不作最爲客氣假象可憎厭康樂尙無是也 康樂陳

郡人以祖父先墓在始興移籍會稽故自稱越客反窮海者
反歸也 謝詩多取陶意如此起二語卽望雲慚高鳥臨水
媿游魚也

游南亭 自病起登池上樓遂游南亭繼之以赤石帆海又
繼以登江中孤嶼皆一時漸歷之迹故此數詩必合誦之乃
見其一時情事及語言之次第時竟據前後詩意乃是春時
竟也起四句敘時兼寫景久痼六句追敘入題交代竝著時
令戚戚二句頓挫起下六句息歸作結 藥餌定作樂餌用
老子指官祿世味言世味雖情所溺而無如衰疾已及故將
俟秋而歸四句用筆馳驟開合往復文情最妙注家泥丁亥

疾字解作此藥物則詞興意皆駭蹇死笨而且不可通矣昏
墊言久雨也息景卽二載爲期意言歸始甯也 良知五臣
以爲友是也而未盡此言知己同志者耳非概指友也

游赤石進帆海 起句從前游南亭篇朱明句來不過敘時
令而萬古不磨則琢句興象之妙也水宿二句迤邐敘入而
必兼帶興象不冝作一率漫泛句杜公所謂語不驚人死不
休也周覽二句入題交代何等次第細密未帆海先用壻可
謂體物不遺卻又非庸手絮漫川后六句正賦帆海而句法
非常傑特萃妙壯闊復次第不亂也仲連以下入己情謝詩
篇篇如此蓋無此則無歸宿矜名二句亦開合法杜公知歸

所賦序言三
俗可忽同此任公之言萬古眞常余閱世之久觀閱受悔皆
由揭己乃悟此爲至理名言如退之秋懷亦多是斂退意古
之達人皆如此聖人之次也

登江中孤嶼 起四句承前帆海等篇來次弟有味亂流二
句點題交代不作常語雲日二句景表靈二句歎惜四句是
正位想像四句因孤嶼且暮賞莫傳則崑山更遠故欲託此
逃世以與安期游矣不知屈子遠游不知此意所謂 表靈
二語令人慨然亾友管異之嘗贈余詩曰爲同子未甘表靈
衆誰識誦之感愴康樂固富學術而於莊子郭注及屈子尤
熟其取用多出此至其調度運用安章琢句必殫精苦思自

具鑪錘非若他人掇拾餽苟以充給客氣假象爲陳言也
大約謝詩願題交代則如髮之就櫛毫末不差其成句老重
屹如山嶽之奠不可動搖取象則如化工明遠遜其度惠連
謝其華元暉讓其堅延之比之如砒砒耳緬邈區中緣字用
大人賦

過白岸亭 起二句交代過字近澗四句正賦景而句法新
造文法銜承極其精妙援羅六句次第引出奇情奇境陳者
新蠶者靈死者活近者遠校西射堂羈雌倍妙卽物致思反
覆長言寫至十分滿足下以榮悴二句就上收轉精理道心
乃有於昭昭之多而見日月星辰萬物無窮之覆者豈非奇

觀收句就此勒轉用筆如屈鐵轉丸 去來者天運定命休
戚者人情所感兩句遞說承上黃鳥鹿鳴其用抱朴字是撮
取少私寡欲義猶之用沈冥只取九幽不改操義用達生只
取知足義庸俗不明古人深趣弟擗摺餽釘雜湊亂填以銜
典博可哀矣 黃鹿借對尤妙既富學術又美才思下文榮
悴二語皆有根而非泛設詩明用秦詩次百哀注家因止棚
二字乃引小雅祈父什詩序云刺宣王不親親失之矣 翫
此詩奇妙如此始覺惠連頽魄不再圓四語透理常談死境
凡夫皆能爲之矣

登永甯綠嶂山 前十二句敘題迤邐而入且敘且寫平趨

緩步最爲正格盡上六句題後繞補言已所以能盡此游如
上所云由叶於幽人之步雖音詞不接而奇抱則一一者同
也注家以抱一連文解誤也起四句敘澹澹二句寫澗委
二句又敘句法皆勁峭無凡庸平常率漫眷西四句於敘中
寫奇警異常詞理俱勝奄忽也盡也言旣踐夕又忽盡昏以
至曙非信手填湊用字也恬知結上幽人作收務宿靜寡
欲不逐無涯之知是謂恬養知旣知此理而依此用功愈以
造於定靜是謂知養恬恬知交相養自古聖賢莫不皆然自
莊子拈出後來佛學祕爲密旨曰心如牆壁曰止念皆此功
夫及旣見光景則呼之爲性世人旣莫知其誤認之失卽竝

其誤用之功夫亦未嘗問津未嘗夢見故無能見之及之矣
蓋自程朱未出之先認性皆以莊佛爲密諦又何責於康樂
郭固不暇與辨耳 史記東越王都東甌徐廣曰今永甯也

晉宋人好談名理不出老莊小品故以此等爲至道所止
每以此入詩爲精惛而康樂似所得爲淡然康樂自許早能
成佛而行身博而無檢奢泰縱恣多愆禮度有取死之法與
其所言皆不應實安在其能繕性也得道不行咎缺立至卒
以殺身由其自掇非真能知道者知道則必能踐行觀康樂
持操始亦所謂喜怒失位居處無常思慮不自得中道不成
章何暇安其性命之情者烏呼龔生竟天天年不如宣遠量

已保身矣

宣遠年三十五元暉三十七
康樂四十九惠連三十七

王孝伯作人無長物

而反畔政與靈運同

從斤竹澗越嶺谿行

起四句寫早景興象湧見爲題作圓

光逶迤四句點題交代使題中從字越字行字領字澗字谿字一字不漏而句字勁拔無一庸熟韓公山石七言起句似之川渚四句分寫谿行企石四句分寫越嶺而每層必有非常華妙二語握蘭以下以無從賞之人作歸宿作結凡游詩前用敘寫後以情寄作結一定篇法然各有細意新意不同握蘭二句頓結上文情用四句又轉入自己本情凡賞卽爲美亦羊棗之獨嗜不必人人之炙此理可以喻大凡卽

詩文道術亦有之言己之固僻在此人或以我爲蔽而實昧於獨賞爲美之理而不能辨若悟此理則獨往自適其性而凡餘物眾理縱爲人所共趨而皆可遺可遺而無容慮矣此詩華妙精淡幾於壓卷李空同龐淺皮傳徒竄句籍詞而自謂學謝其何足以知之非特空同卽王介甫之邃於學而自矜月映林塘幽一句以爲似謝此亦驥之一毛耳豈驥之全哉

登石門最高頂 此題是登山而詩所言棲息久止事疑在石門新營所住後與夜宿石門一類皆永嘉石門而王阮亭彊分新營所住爲廬山石門而譏桑喬廬山記事只取此首

而遣新營爲失愚按靈運在臨川日月雖無攷然時實不久
未必有營居事細翫此三詩皆無確證闕其事可也 此詩
首二句交代題面以下皆言息夕事疏峯十句總寫石門山
房之景意極工沈冥以下八句情寄歸宿 沈冥雖用二字
面意取守道而不改其操義下四句正中言此意言心契於
道游翫爲寄耳卻以九秋幹三春蔑字而故亂迷之居常二
句又申此二句居常也處順也安排也皆委運任化之義言
安於推排也靈運淡於佛理此卽推實之義收句另換意回
輓結上筆勢縱送反折出登字奇絕豈尋常率漫敷衍苟爾
作結者所及列子注雲梯可以凌虛五臣注仙者因雲而升

抗館是主對嶺臨谿羅林撫石皆爲館言之 塞路迷徑
忘術惑蹊皆爲登字言之

石門新營所住四面高山回谿石瀨修竹茂林 此詩疑與
前詩互相見此只點一築字以下便全說臥居情事而於題
中十六字新營功用一不及之而反見於前詩可知不得分
爲永嘉廬山二地也 起六句言己今居美人六句言無同
賞結念二句頓斷俯濯六句續接起六句寫景感往六句續
接孤景莫與諉下此詩只用一斷續離合法古人文多如此
美人游不還一段幽憂怨慕悽涼之意全得用子餘韻吾
嘗以商榷前藻之意況之且爲低徊況於懷曠遠之遐思者

哉感往二句余時時死生於此非用功久而親履之豈知其
言之怛哉與榮悴疊去來窮通成休戚遭物悼遷斥杼期得
要妙矜名道不足適己物可忽慮淡物自輕意愜理無違含
情易爲盈遇物難可歇得性非外非自己爲誰纂皆一類見
道語莊子屈子賈生多有之杜公韓公亦多有此皆根柢性
識中所發非襲而取之可冒有也 日車言終日長如此優
悠無爲用郭注此所云美人卽前共登雲梯同懷之客

夜宿石門 起不過點題於宿前補一筆作引則有根避直
法也而措語興象真如綠水芙蓉謂於至澄明清靜中見出
華妙也鳥鳴四句平寫宿景異音殊響卽承鳥風與石橫水

分流同康樂慣用此法妙物莫爲賞五字作兩層兩段妙物
二字總結上文蘭月鳥風四項莫爲賞三字一頓如水之浮
舟又將莫賞翻起美人不來收句取屈子語倒裝用之倍覺
沈鬱頓挫

田南樹園激流植援 起借事引入而用一不同字折入脈
縷親切細密乃異於磊落不合者中國十句細還題上室二
句樹園也激澗激流也插檀植援也羣木四句總寫景寫欲
二句總結樹字激字植字頓住惟開以下情寄歸宿總收賞
心收上室題實妙善收蔣逕能同者同於蔣也 謝元有曰
居在太康湖

於南山往北山經湖中瞻眺 山居賦原注大小巫湖中隔
一山欲往北山經巫湖中過又南北兩居注南山是開勸上
居之處 起六句敘題於題中南字北字往字經字湖字山
字眺字一一交代分明俯視十句實發瞻眺步步銜承石橫
承大壑林密承喬木解作六句又因眺而廣及泛指之而興
象華妙冠絕古今上嗣楚騷絕殊浮豔海鷗二句一湖一山
一見一聞細帖撫化二句頓住總束上文爲章法蓋解作升
長苞含戲弄皆化也而簞蒲鷗雞皆物也將題實寫得十分
充滿故後止用反折虛情作收意彌足也不惜四句反掉勁
折分四層遞出孤游二句又從莫與同轉出此語可借喻商

推前藻 此詩精魄之厚脈縷之密精淡華妙元氣充溢極記謝詩造化機緘在手獨有千古雖杜韓無以過之

石壁精舍還湖中作 此體與詩皆略同前南山作而此詩精神全著意一還字可窺古人顧題不冝疏忽處然亦推大謝獨嚴 起四句爲還字前補一層與夜宿石門同言欲還而因戀清輝故遲至夕也出谷二句點題林壑二句乃正就歸時夕景寫芰荷二句寫湖披拂二句歸途及旣歸情景以上了題事虛淡四句情寄作收 此詩興象全得盡意後惟杜公有之凡言黃昏曠黃皆向晚也

南樓中望所遲客 此詩無甚緊竅但字句厚密耳

酬從弟惠連 此與惠連詩卽效惠連體古人皆然 一往
清綺真味至情緊健親切密迢遲留一字不率一步不滑頓
挫芊緜銜承一片醒耳鑒心惠連所長也一章言初得見二
章言相掾三章言別及寄詩四章正酬來詩中語意五章望
歸細校之畢竟勝惠連以魄力厚密也

登臨海嶠初發臺中作與從弟惠連可見羊何共和之 此
亦效惠連體絲邈真至情味無窮上嗣公幹下掩惠連阮亭
分四章是集與選作一章非一章叙始別二章至臨海三章
正寫思憶兼及時物四章發臺中後情事 分慮舊歡今歎
也悲端善曰謂秋是也卽下二句 無一字不用力宿留遲

頓故真味彌永百讀仍乍 常調不過寫二句秋令此卻特
做出而後入之況乃二字勁折有力可想見用思下筆不令
一步滑也起行不近三字同此用意

初往新安桐廬口 起二句從時令起兼帶興象感節四句
遞入題轉換曲折往字千鈞音響鏗鏘如庖丁解牛莫不中
肯合於桑林之舞乃中經首之會遠協四句往字正面江山
四句寫景收無甚警妙以著意在前路也 千里棹不專指
桐廬懷古卽指向子許生也思字亦用典乃非常所測可悟
古人無率意趁句趁韻之事 此與富春渚七里瀧道路憶
山中初入彭蠡皆一時之作而入華子岡當亦在此時攷靈

運初之永嘉在郡一周偶疾去職歸始甯由家彊微起爲朝
官復賜假東歸多愆法禁爲孟顗所奏乃馳詣闕自明帝不
欲令其東歸授臨川內史此初往桐廬之所以作也恥言爲
孟顗所檢故此云懷古富春渚詩云自欲干祿彭蠡口曰千
念萬感而道路憶山中尤極致其憤懣焉不攷此迹則於此
數詩皆不知其所言爲何矣阮亭編陶謝詩皆不攷其時事
而前後雜亂倒廁何由解其詞意無尋論之功徒浮掇其篇
什則於其篇什句意亦安能曉了而有真得於古人也 又
按靈運穿池植援種樹皆在家居時事故作山居賦以自言
其事而南史本傳系之於再出爲朝官在都下時則其事皆

目月九卷三二
三
不應雖無關要義而文不別白亦足貽誤後人何以爲史亦
可見李延壽等之不克稱信史也 又按靈運以初秋自都
赴臨川直至明年春晚始入彭蠡則其肆意邀游傲命慢職
亦可見焉

富春渚 起二句交代點題定山六句敘行旅經由地所見
景物次第銜承非特語句奇警而文理接續血脈貫通渙淺
始終至爲精密蓋惟無停泊故遡急而伯昏句承圻岸呂梁
句承驚流雙頂結束也洊至二句就上山水引入情緒自然
脫卸巧不費力平生以下述已情抱諱言爲孟顓所檢而自
以久欲干祿其詞雖彊自排實則正其伊鬱不堪處也千年

無人代爲尋究 淪頤困微弱言已不能介然執持堅操以
自彊如屈子理弱媒拙之弱古人此等處下字籍語皆有成
處滴滴有下落不似今人依稀影響率意填湊信手支給悞
泛杜撰不切不典不確也五臣注顓頊不分明 屈子曰抑
心而自彊又曰萬變其情而不可蓋唐樂元暉皆知及而仁
不能守此言亦自供招狀也

七里瀨 起句承前諸篇來與初入彭蠡口同彼渾雄此峭
拘各因勢以爲姿而此十字故畱畱遲鍊可以藥率滑之病
前八句敘題兼寫景乃尋常泛境常調後半心目中借一嚴
陵與已作指點比照興象情文湧見栩栩然蝶也而已化爲

周矣是爲神到之作而中間以遭物二句由上事境引入橫
鎖爲章法以逼出己情古人作詩自己有事因題發興故脫
手欲活後人自己胸次本無詩偶值一題先已忙亂沒奈他
何因苦向題索故事支給發付敷衍成詩其能者只了題而
已於己無涉試掩作者名氏則一部姓族譜中人人皆可承
冒爲其所作其不能者則竝題不能了且如此題亦古今之
恆題耳惟此詩乃是謝公過此而作也此時康樂若非眞遭
遷斥則雖能爲此二句亦屬陳言泛賸語矣欲作詩先須洗
清面目與天下相見此豈尋常所及哉 奔峭言江岸彭蠡
口詩同

道路憶山中 起蓋託於怨者必言勞者必歌故以古歌曲
起卽結句殷勤慷慨也再次以鍾儀陪入次第折入題追尋
八句實寫憶字正位懷故接入今日現在情事悽悽四句應
起處言今日亦寄此歌曲也訴危柱言琴承廣陵散命急管
言笛承明月吹 莊佛之所謂性手其本來面目謂自然也
康樂之解亦不出此 已讀羊里切止也取足自止善注謝
詩此字之解勝慙山注莊懷故卽指山中也束上含悲句起
下

入彭蠡湖口 起八句承前諸篇來筆勢局陳同七里瀨千
念二句橫斷頓住作章法沈鬱悲壯攀巖二句遙接上再頓

三江六句寄慨弔古大約古人游歷之地非古蹟不存往往寄情以爲感故以徒作千里曲而無以消憂解煩念也豫章出黃金見前書地里志水碧輟流溫據朱子則謂溫湯也善注非是 初讀三江二句不解然沁知其非死句賸語久乃悟以起下文耳

入華子岡是麻源第三谷 入山見桂樹澗泉因借騷句爲興象作起甚妙隱淪二句謂華子也次弟交代爲第一段險徑四句交代入字羽人六句實從華子入議古人願題如此且申以下乃入己今游情言非爲慕古之輕天下者尊而效之以爲名也然遂以此俄頃之用致爲叛逆悖矣 華子岡

注家引一統志以爲在建昌故今以列於彭蠡之後然已見於山居圖則恐仍爲越地又王維網川諸詩亦有羣子岡不必建昌獨有也

增謝惠連

汎南湖至石帆 章法斲斬字句清峭興象華妙節短韻長一往清綺耐人尋味惠連所長也似勝劉公幹此詩起句初讀似拙然可見古人造句堅勁可以藥庸俗輕便滑利之病連漪四語寫景句法雖俊逸而不入妙鮑明遠多此等登陟二句語意淡洽杜公衍之常出奇觀則古人高詞未易忽也卽翫二句奇偉高古筆力開退之

西陵遇風獻康樂 直書卽事胸臆無一字客詞裝飾一往
清綺又步步畱遲真味無窮亦古今絕境也

我行指孟春 起四句故爲頓挫往復以避輕便滑利順直
無畱步之病成裝二句還他中堅部位瞻塗二句以對句爲
厚此八句詩耳而分明四層各有疊部章法精淡如此

哲兄感此別 起四句爲一層五六句中堅回塘二句換筆
換意作收

靡靡卽長路 承前篇以起二句爲中堅三四折洗頓挫以
束之行行二句衍昨發二句又換筆換氣提起作收

屯雲蔽曾嶺 此篇八句句句著力正寫而情景刻露一一

得畫意默會靜思之如人意中所欲出筆力逕達豈齊梁以下浮靡輕滑熟慎之可及哉

臨津不得濟 起四句跌宕頓挫西瞻二句中堅衍敘收句別出奇趣情真韻古

秋懷 起四句從懷入秋皎皎四句正寫秋寒商四句又從秋入懷綺交脈注芊緜不斷夷險以下正寫懷而以未知二句頓束住賓至四句說遺此懷法頽魄四句申言所以當遺懷而不必常憂之故收四句蓋見時不我與功名易歇白首倏至不如及時行樂懷中商此至熟故今以布告親串也何義門云一往清綺不乏真味

增顏延之

顏詩凝厚典質鉤淡持重力足氣完差與康樂相埒但功力有餘天才不足而奇觀意外之妙不及謝精警又不及明遠俊逸奇峭警拔所謂詞足盡意而已

顏詩以氣體魄力勝崇宏典則有海嶽殿閣氣象足以驚寒儉山林之膽此其長也不善學者但成死句余終不取然政當以此與鮑謝同參可以測古人優劣而擇所從也

本傳偶延之嘗問鮑照已與謝優劣照曰謝如初出芙蓉自然可愛君詩若鋪錦繡亦雕縵滿眼今尋鮑惜以顏傷縵而乏生活之妙不及謝明矣顏當日蓋未喻鮑之貶已也 顏

詩全在用字密與則楷式其實短淺其所長在此病亦在此然學者用功先從顏詩下手可以藥僉父無學率爾填砌之陋

顏詩雖若傷密不逮諸作者然趙宋以後輕滑颯灑便利輕快之體久不識此古音古貌矣

顏比於謝幾於有山無艸木樹無煙霞之病

朱子論荀子如喫糙米飯顏詩實有此不但不能活潑潑地竝不能如康樂之精淡華妙

昔人俾小謝工於發端如顏延之每起莊重典則橫闊涵蓋有冠冕制作體勢興象固佳但久恐有流弊成爲裝點門面

可惜也與小謝之妙象神會者不同

贈王僧達 起八句以比體引入在顏爲疑厚然學之則入於客氣舒文四句美其名德側同幽人六句兼寫其居處靜惟四句贊其情抱屬美二句收已贈詩 此詩完密凝厚可爲贈詩之式然不免方板所謂經營地上語全是凡響雖亦兼有陶謝風格終似皮厚末流不可處 靜惟泱窮化言靜思周於羣化無不入於死者用莊子已化而生又化而死意以見人生可悲韓公云浮生雖多途趨死惟一軌此似美其守死善道是時風氣以達生曠遠爲高言皆若此孫子荆乃至於不倫不類尤不可人意

車駕幸京侍游蒜山作 起十二句先說蒜山典重宏闊所用皆非常之典幾可竝子建驅車篇典制次篇楷則也睿思十句言宸游語意宏闊典重俱題周南四句了已侍游 此詩完密似勝明遠登香爐峯

北使洛 起八句直書本事然意卑詞迫直是低頭說話最引人不長進在昔六句在此篇爲振起一篇扼要警策處王猷二句一句束上一句起下入己之使陰風以下十句言己情 何義門云此擬士衡赴洛余謂士衡作本無取此詩亦無取當日謝晦傅亮賞之昭明登之於選阮亭義門皆從而與之吾以爲皆未揆校勘和濫吹而已以用意論之則校陶

公贈羊長史作此如蝓蟻轉糞矣且後半尤爲不惔此是何事何題前旣偁期連聖賢以爲頌後又如此悲慘於題爲失體以爲亦有憂禪代意則如此明箸又足以致禍也不如陶公之超然無迹矣 陽城在今鳳陽府宿州 裕克關中歸卽纂矣當日行道皆知延之自是託此爲憂然其如身奉使命故託以行旅爲苦與後還至梁城同此意然終無佳勝且不合體要

還至梁城作 何義門云此擬士衡赴洛道中作 此詩只託於行李之苦盛衰之迹意可知也

始安郡還都與張湘州登巴陵城樓作 起四句從湘州起

經途二句交代登城水國六句登後望中所見懷矣以下入
己登眺之情 經途句言仍昔時道路也善注非 子虛賦
用江此用河皆挾句 以規格非之可謂奄有前則豪髮無
歉以真味非之祇是料語多真味少雖典遠諧則四法全備
而無引入入勝處可於此判顏謝之優劣此詩家微愆與義
學者能悉心細參果真知其故則於斯道思過半矣 始安
今廣西省桂林府挾字疑誤
五君詠 每篇有警策可取
秋湖詩無奇以傷平且冗也如次篇嚴駕等語何必秋胡爲
然此公家陳言雖佳非切